

輿地廣記

卷之四

輿地廣記卷七

宋

歐

陽

志

撰

京東西路

襲慶府大都督府兗州春秋戰國為魯邾二國之境秦置薛郡二漢屬魯國泰山山陽郡晉屬魯郡山陽兼置兗州宋屬魯郡泰山高平後魏為魯郡北齊改為任城郡隋開皇三年郡廢大業二年改兗州為魯郡唐武德初克徐圖朗復曰兗州天寶元年曰魯郡後升泰寧軍節度周降防禦皇朝建隆元年復泰寧軍大中祥符元

年外都督府今縣七

上瑕邱縣本魯負瑕邑春秋季康子入邾以邾子益來

囚諸負瑕是也瑕邱在縣西南昔衛公叔文子升之

遽伯玉從文子曰樂哉斯邱死則我欲葬焉伯玉曰

吾子欲之則瑗請前二漢屬山陽郡晉省入南平陽

屬高原隋開皇十三年復置瑕邱為魯郡治唐為兗

州漢楚屬原國後漢屬任城國晉因之其後廢焉故

城在今縣西南有檀鄉

上奉符縣本漢博縣屬泰山郡後漢晉因之後魏為郡

治北齊改郡曰東平隋開皇初郡廢十六年改縣曰

汶陽尋改為博城屬魯郡唐武德五年置東泰州貞

觀元年州廢屬兗州乾封元年更名乾封皇朝大中

祥符元年改為奉符漢奉高縣為泰山郡治後漢晉

因之其後郡徙治博隋開皇六年改縣曰岱山大業

初省入博城漢梁父牟二縣並屬泰山郡牟故國春

秋牟八來朝是也隋省之唐省梁父皆入博城有泰

山梁父山昔秦始皇禪梁父即此有龜山魯頌所謂

奄有龜蒙是也漢鉅平縣屬泰山郡後漢晉因之其

後廢地入博城有亭亭山社首山

上泗水縣本魯卞邑春秋夫人姜氏會齊侯于卞是也漢屬魯國後漢晉因之其後廢焉隋開皇十六年於卞故城置泗水縣屬魯郡唐屬兗州有陪尾山泗水所出有云云山有尼邱山孔子母顏氏所禱卽此漢汝陽縣屬魯國後漢晉有之後廢故城在縣西

上龔邱縣本漢寧陽縣屬泰山郡後漢屬東平國晉省之北齊置平原縣隋開皇十六年改曰龔邱屬魯郡唐屬兗州漢剛縣屬泰山郡本魯之闡鄉春秋齊人

取謹及闡是也後漢屬濟北國晉曰剛平屬東平國其後廢焉故城在今縣東北漢蛇邱縣屬泰山郡城下有水卽魯之蛇淵也春秋爲鑄遂二國地鑄爲蛇邱治所而遂在西北十里後漢晉屬濟北國後廢按水經注云汶水又西泲水出焉又西逕蛇邱縣南又云蛇水西南逕下謹城南蛇水卽謹水也今泲水謹水在龔邱則亦蛇邱地矣

中下仙源縣本壽邱黃帝所生之地亦爲少昊氏之虛有大庭氏之庫周封伯禽爲魯侯宅曲阜曲阜在城

中委曲長七八里楚滅魯以爲縣秦置薛郡漢高后元年改爲魯國後漢因之晉爲魯郡北齊改爲任城郡隋開皇三年郡廢四年改魯縣爲汶陽十六年改曰曲阜屬魯郡唐屬兗州皇朝大中祥符元年改爲仙源有闕里孔子所居漢魯恭王殿階猶存

中下萊蕪縣漢屬泰山郡後漢晉因之後廢後魏于萊蕪故城置羸縣隋屬魯郡唐貞觀元年省入博城長安四年復置萊蕪屬兗州羸本齊邑春秋公會齊侯於羸是也漢屬泰山郡後漢晉因之後廢地入萊蕪

有原山淄水汶水所出淄水東北流至千乘入海汶水西南流至中都入大野陂有肅然山漢武帝禪肅然卽此

下鄒縣春秋時邾文公卜遷于繹卽此後改爲鄒戰國時爲楚所滅城北有孟子冢二漢屬魯國晉隋屬魯郡唐屬兗州嶧山在北秦始皇上嶧山命李斯勒石頌秦德焉有鳧山魯頌所謂保有鳧嶧是也南平陽縣二漢屬山陽郡晉屬高平國後廢入鄒

大都督府徐州春秋屬宋戰國時屬楚秦屬泗水郡項

羽爲西楚霸王都二漢屬楚國沛郡後漢晉皆屬彭城沛國兼置徐州宋因之後魏亦屬彭城沛郡置徐州後周廢沛郡隋開皇初廢彭城郡大業初復爲彭城郡唐爲徐州號建寧軍今縣三

望彭城縣故大彭國彭祖所封春秋時宋封魚石爲采邑周顯王四十二年九鼎淪于泗水秦始皇過彭城使千人求之不得項羽都之號西楚漢高帝封弟友爲楚元王後漢光武封其子爲楚王晉爲彭城國兼置徐州治此爲重鎮劉裕爲宋公嘗居之後宋將薛

安都舉城歸魏以爲彭城郡兼置徐州隋開皇初郡廢大業初復置唐爲徐州

望沛縣有沛澤因以爲名秦屬泗水郡二漢屬沛郡高帝縣人起兵於此號沛公後破黥布還置酒沛宮後劉備屯小沛袁術遣紀靈攻備呂布來救之卽此晉屬沛國隋屬彭城郡唐屬徐州漢廣戚縣屬沛郡後漢晉屬彭城後廢入沛

望蕭縣故國春秋時楚子滅之漢屬沛郡後漢晉屬沛國北齊改爲承高隋開皇六年改爲龍城十八年改

爲臨沛大業初復改曰蕭屬彭城郡唐屬徐州漢扶陽縣屬沛郡後漢省之故城在縣西北

緊滕縣故國漢地里志云周懿王子錯叔繡所封而左傳云郈雍曹滕文之昭也恐地里志誤戰國時爲齊所滅漢封夏侯嬰爲滕公後爲公邱縣屬沛郡後漢屬沛國晉屬魯郡後廢公邱入蕃縣蕃縣二漢屬魯國晉屬魯郡後置蕃郡北齊郡廢隋改蕃縣曰滕屬彭城郡唐屬徐州薛縣故國奚仲所封戰國時屬齊謂之徐州秦屬薛郡二漢屬魯國晉屬魯郡後廢故

城在今縣東昌慮縣故小邾國漢屬東海郡後漢晉因之後廢故城在今縣東南

緊豐縣秦泗水郡沛縣之豐邑漢高帝生於此後以爲縣屬沛郡後漢晉屬沛國隋屬彭城郡唐屬徐州大澤在西高帝斬白蛇于此

東輔拱州春秋屬宋陳戰國屬楚魏秦屬三川碭郡漢屬陳留淮陽梁國後漢屬陳留濟陰陳梁國晉屬陳留濟陽梁國隋屬梁郡淮陽唐屬宋陳曹州梁屬開封宋州後唐復屬宋陳曹州晉漢周皆屬開封宋州皇朝屬

興地履言  
開封應天府崇寧四年建名輔州以爲東輔又改爲拱  
州治襄邑縣今縣六

畿襄邑縣本宋承匡襄陵鄉也襄公所葬故曰襄陵秦  
始皇以承匡卑濕乃徙縣於襄陵謂之襄邑漢晉屬  
陳留郡北齊廢之隋開皇十六年復置屬梁郡唐屬  
宋州梁開平元年屬開封府後唐同光初還 晉天  
福中又屬開封皇朝崇寧四年立拱州

畿考城縣本子姓戴國春秋宋人蔡人衛人伐戴是也  
秦謂之穀縣楚漢兵起邑多遇火因名留縣漢屬梁

國後漢屬陳留郡章帝東巡詔改曰考城取越乃光  
烈考武王之義也後魏曰考陽置北梁郡北齊並廢  
之以爲城安縣隋開皇十八年復改曰考城屬梁都  
唐屬曹州梁開平元年屬開封府皇朝崇寧四年來  
屬漢薄縣屬山陽郡故城在東北湯都亳卽此水經  
注言梁有二亳南亳在穀熟北亳在蒙皆爲湯所都  
學者多謂亳在河洛之間以今偃師城二十里尸鄉  
爲是皇甫謐以爲孟子言湯居亳與葛爲鄰今寧陵  
古葛國地湯地七十里葛又伯耳封域有限而寧陵



去偃師八百里安能使毫衆往爲之耕而童子饋食哉乃知梁之二亭爲湯都審矣

畿太康縣本陽夏縣漢屬淮陽國後漢屬陳國晉屬梁國後置淮陽郡隋開皇初郡廢七年改陽夏曰太康屬淮陽郡唐屬陳州梁開平元年屬開封府皇朝崇寧四年來屬有後漢扶樂縣故城在北

畿寧陵縣古葛伯國書所謂湯征自葛是也戰國屬魏爲信陵君無忌所封漢屬陳留郡晉屬梁國北齊廢之隋開皇十六年復置屬梁郡唐屬宋州皇朝屬應

天府崇寧四年來屬

畿楚邱縣春秋戎州已氏之邑蓋昆吾之後別在夷狄

者周襄入居于此漢爲已氏縣屬梁國後漢屬濟陰

郡晉屬濟陽郡後魏置北譙郡北齊並廢之隋開皇

四年復置已氏縣六年改曰楚邱屬梁郡唐屬宋州

皇朝屬應天府崇寧四年來屬水經云昔衛文公公

徙居卽此非也衛爲狄所滅東徙渡河野處曹邑文

公徙居楚邱曹邑在今滑之白馬楚邱在今澶之衛

南二邑相近且不出邦域之內宜文公之所徙也今

輿地廣記 卷七  
拱州楚邱在戎州之邑迫近宋都春秋所謂戎伐凡伯于楚邱是也非衛之所遷也然則今縣有景山京岡乃後人附會而名之耳

畿柘城縣二漢為柘縣屬淮陽國其後廢焉隋開皇十六年置柘城縣屬梁郡唐屬宋州皇朝屬應天府崇寧四年來屬

都督興仁府周武王封弟叔振鐸為曹國其後為宋所滅戰國屬魏秦屬碭郡漢立彭越為梁王都之景帝中六年別為濟陰國甘露二年更名定陶又改為濟陰郡

後漢因之晉為濟陽郡後魏置沛郡及西兗州北齊郡廢後周改西兗為曹州隋復為濟陰郡唐復為曹州晉號為威信軍節度漢罷之周改彰信軍皇朝建中靖國元年改為興仁軍後升興仁府大觀三年升都督今縣四

望濟陰縣本漢定陶縣地汜水西分濟瀆東北逕縣南又東北入于河瀆高帝既定天下即位于汜水之陽取其汜愛洪大而潤下也二漢置濟陰郡晉為濟陽郡後魏分定陶置濟陰縣及沛郡北齊郡廢屬濟陰

郡隋開皇六年分濟陰置黃縣十八年改爲蒙澤大業初省入焉唐爲曹州貞觀元年省定陶入焉

望宛亭縣本曰宛句二漢屬濟陰郡晉屬濟陽郡隋屬濟陰郡唐屬曹州皇朝大觀二年改爲宛亭有故煮棗城史記蘇秦說魏襄王曰大王之地東有淮潁煮棗是也有漆園莊周爲蒙漆園吏則宛句亦蒙縣地矣

緊乘氏春秋魯莊公敗宋師于乘邱卽此二漢屬濟陰郡晉屬濟陽郡隋屬濟陰郡唐屬曹州二漢句陽縣

屬濟陰郡左傳桓十二年公及宋公盟于句瀆之邱是也晉屬濟陽郡其後廢焉故城在今縣西

上南華縣本漢離狐縣屬東郡後漢屬濟陰晉屬濟陽後魏置北濟陰郡北齊郡縣並廢唐復置離狐縣屬曹州天寶元年更名南華有濮水莊子釣于濮水是也

東平大都督府鄆州春秋爲須句國及屬魯戰國屬宋秦屬碭郡漢屬東郡東平國後漢因之晉爲東平國及屬濟北隋爲鄆州及屬濟州後爲東平郡及屬齊北唐

爲鄆州及屬濟州後廢濟州入焉皇朝大觀元年升大都督府今縣六

望須城縣故須句國風姓太昊之後春秋邾人滅須句須句子奔魯魯伐邾取須句反其君焉秦置須城縣須昌在須句城北蓋須句子所遷也漢屬東平後漢屬東平晉爲東平治所北齊郡廢隋開皇十六年改須昌爲宿城而于宿城西北三十二里別置須昌屬東平郡唐屬鄆州貞觀八年州自鄆城移治須昌後唐避廟諱改爲須城宿故風姓國太昊之後春秋及

宋人盟于宿二漢爲無鹽縣東平國治焉晉屬東平其後廢之隋置宿城縣屬東平唐屬鄆州貞觀八年省入須昌景雲三年復置宿城貞元四年改曰東平移於郭下太和四年改曰天平六年省入須昌有郈鄉亭魯大夫郈伯食邑也

望陽穀縣春秋齊侯宋公江人黃人會于陽穀杜預云齊地在須昌北隋開皇十六年置陽穀縣屬濟北郡唐屬濟州天寶十三載州廢來屬有盧縣本齊地漢屬泰山郡後漢屬濟北國晉因之後魏置濟州隋大

業初置濟北郡唐武德四年復置濟州天寶十三載州廢來屬其後省焉有高傲城爲濟州治所宋寧朔將軍王玄護前鋒入河平碯傲守之其城臨水西南圯于河今濟州徙置鉅野而盧縣廢久唯碯傲津在陽穀境則亦盧地矣

緊中郡縣本古厥國漢爲東平陸縣屬東平國後漢及晉皆因之北齊改曰樂平隋開皇十六年改爲平陸縣屬魯郡隋屬兗州天寶元年更名中郡貞元十四年來屬中都魯邑孔子之所宰也

緊東阿縣本齊之柯邑春秋莊十三年公會齊侯盟于柯曹沫劫盟于此二漢曰東阿屬東郡晉屬濟北國隋屬濟北郡唐屬濟州天寶十三載州廢來屬有阿井歲常煮膠以貢天府穀城其地也春秋莊公七年夫人姜氏會齊侯于穀三十二年魯城小穀以爲管仲私邑城中有管仲井後漢置穀城縣屬東郡晉屬濟北國其後廢入東阿故城在縣東有穀城山漢張良得穀城山下黃石取而寶祠之卽此

上壽張縣本春秋之良邑漢置壽良縣屬東郡後漢光

武叔父名良改爲壽張屬東平國晉因之隋屬濟北郡唐屬鄆州有蚩尤祠

上平陰縣本齊地春秋襄十八年公會諸侯同伐齊齊侯禦諸平陰漢晉爲盧縣地隋開皇十四年置榆山縣屬濟北郡大業初改曰平陰唐屬濟州天寶十三載州廢來屬漢肥城縣故肥子國也屬泰山郡後漢省之其後復爲宋置濟北郡後魏因之北齊郡廢後周置肥城郡隋開皇初郡廢縣屬濟北郡唐省之故城在平陰東南

上濟州春秋屬魯戰國屬宋秦爲碭郡二漢屬山陽郡東平國晉屬高平任城國隋屬東平濟陰魯郡唐屬鄆兗二州舊濟州治盧唐廢入鄆州其地今在陽穀西北周別置濟州於鄆州之鉅野皇朝因之今縣四

望鉅野縣二漢屬山陽郡晉屬高平國其後廢焉隋開皇十六年復置屬東平郡唐屬鄆州周廣順二年置濟州禹貢大野澤在東北左傳襄十四年西狩于大野獲麟以爲不祥仲尼曰麟也然後取之

望任城縣故任國大夫氏之後漢屬東平國後漢置任

城國晉因之後置高平郡隋開皇初郡廢縣屬魯郡  
唐屬兗州周廣順二年來屬漢廢入縣屬東平國後  
漢屬任城國晉因之其後廢焉故城在今縣南

望金鄉縣漢昌邑縣地縣所治名金鄉山漢司隸校尉  
魯恭嘗於山北鑿石爲冢得白兔白蛇不葬更葬山  
南鑿而得金故曰金鄉山後漢置縣屬山陽郡晉屬  
高平國隋屬濟陰郡唐屬兗州周廣順二年來屬昌  
邑故屬梁漢景帝十六年別置山陽國武帝天漢四  
年更名昌邑以封子昌邑哀王其後國除復爲山陽

郡後漢因之兼爲兗州刺史治晉爲高平國其後廢  
入金鄉隋開皇十六年分置昌邑大業初省入焉唐  
武德五年又分置昌邑八年又省入焉故城在縣西  
有東轡縣本宋邑春秋僖二十三年齊侯伐宋圍轡  
是也二漢屬山陽郡後省入昌邑今併入金鄉

望鄆城縣今魯西邑左傳成十六年晉人執季文子于  
莒邱公還待于鄆漢晉皆爲廩丘縣地後周置清澤  
縣及高平郡隋開皇初郡廢改縣曰萬安十八年改  
曰鄆城大業初置東平郡唐爲鄆州貞觀八年州徙

治于須昌周廣順二年來屬

上軍州春秋屬宋魯戰國屬宋秦置碭郡漢屬山陽梁國後漢屬濟陰梁國晉屬濟陽梁國隋屬濟陰梁郡唐屬宋曹兌州唐末以宋州之碭山梁太祖鄉里也爲置輝州已而徙治單父後唐滅梁改爲單州其屬縣置徙傳記不同今領單父碭山成武魚臺四縣

望單父縣本魯邑宓子賤爲宰彈琴不下堂而治者也漢屬山陽郡後漢屬濟陰郡晉屬濟陽郡後魏曰離狐置北濟陰郡北齊並廢之隋開皇六年更置曰單

父屬濟陰郡唐屬宋州後屬輝州光化三年自碭山徙輝州來治後唐改爲單州

望碭山縣碭文石也山出文石故以名之秦置碭縣及碭郡漢高帝隱于芒碭山澤間有雲氣呂后與人俱求常得之高帝五年置梁國後漢屬焉晉省入下邑後魏置曰安陽隋開皇十八年改名碭山屬梁郡唐屬宋州宋全忠先縣人也光化二年表置輝州三年徙治單父後唐屬單州

繁成武縣漢屬山陽郡後漢屬濟陰郡晉屬濟陽郡北



齊置永昌郡隋開昌初郡廢十六年置戴州大業初  
州廢縣屬濟陰郡唐屬曹州光化二年屬輝州後唐  
屬單州

上魚臺縣本魯之棠邑春秋隱五年公矢魚于棠二漢  
爲方與縣屬山陽郡晉屬高平國元魏屬高平郡北  
齊廢之隋開皇十六年復置屬彭城郡唐屬兗州寶  
應元年更名魚臺以城北有魯侯觀魚臺故也其後  
來屬漢胡陵縣屬山陽郡後漢章帝改爲胡陸晉屬  
高平國其後廢焉故城在今縣東

上濮州春秋戰國時皆屬衛秦屬東郡二漢屬濟陰東  
郡晉屬濮陽濟陽東平國隋屬東平濟北郡唐爲濮今  
縣四

望鄆城縣本衛地春秋莊十四年單伯會諸侯于鄆二  
漢爲鄆城縣屬濟陰郡曹公爲兗州刺史創業始于  
此焉晉屬濮陽國後置濮陽郡隋開皇初郡廢十六  
年置濮州大業初州廢縣屬東平郡唐爲濮州  
緊雷澤縣本成國周武王弟成叔武所封其後遷于成  
之陽故爲成陽縣二漢屬濟陰郡晉屬濟陽郡北齊

廢之隋開皇十六年復置曰雷澤屬東平郡唐屬濮州禹貢雷夏澤在西北廩邱本齊邑左傳襄二十四年齊烏餘以廩邱奔晉漢屬東郡後漢屬濟陰郡晉屬濮陽國隋大業初省焉故城在縣北

上臨濮縣漢濮陽城陽縣地隋開皇十六年分雷澤置大業初省入焉唐武德四年復置屬濮州春秋宣十一年晉人宋人魏人曹人同盟于清邱杜預注云清邱舊地在濮陽縣東南其地今入臨濮

上范縣二漢屬東郡晉屬東平國北齊廢之隋開皇十

六年復置屬濟北郡唐屬濮州春秋晉大夫士會之邑也

同下州廣濟軍自唐虞以下地理與興仁府同皇朝置廣濟軍今縣一

上定陶縣故三股國周封曹叔振鐸于此范蠡變姓名寓居于陶曰陶朱公秦相魏冉以陶益封焉梁王彭越都之漢宣帝封子爲定陶恭王後爲濟陰郡晉爲濟陽郡後魏屬西兗州後周屬曹州隋屬濟陰郡唐貞觀元年省定陶入濟陰縣皇朝太平興國三年以

定陶鎮置廣濟軍熙寧四年軍廢屬曹州元祐元年  
復置禹貢陶邱在西南荷澤在東北

臣謝 壻恭校

輿地廣記卷八

宋

歐陽

恣

撰

京西南路

望襄州春秋已來楚地秦南郡之北界二漢屬南陽南  
郡魏置襄陽郡晉因之兼置荊州東晉置雍州宋文帝  
割荊州置雍州襄陽去江陵步道五百勢同唇齒無襄  
陽則江陵受敵自東晉庾翼為荊州刺史將謀北伐遂  
鎮襄陽齊梁皆因之後梁蕭督都此西魏改曰襄州隋  
開皇初郡廢大業初州廢復置襄陽郡唐武德四年曰

襄州天寶元年曰襄陽郡後爲山南東節度今縣六  
緊襄陽縣二漢屬南郡劉表爲荊州牧鎮北魏屬襄陽  
爲重鎮蜀將關羽攻沒于禁曹仁勢甚盛徐晃屯守  
不下曹公謂晃曰全襄陽子之功也後孫權帥兵向  
西時曹仁備之司馬懿曰襄陽水陸之衝禦寇要地  
不宜失也晉因之兼爲荊州刺史治羊祜杜預皆鎮  
焉東晉僑置雍州宋齊梁皆因之郡亦自宜城徙治  
焉後梁肅嘗都此而爲西魏附庸後周置襄州隋開  
皇初郡廢大業初復置唐爲襄州有峴山羊祜與鄒

湛等嘗登之今墮淚碑在焉有鹿門山龐德公隱居  
之所有望楚山古馬鞍山也晉劉弘山簡九日宴游  
于此武陵王愛其峯秀故曰望楚山

望鄧城縣故鄧國二漢爲鄧縣屬南陽郡晉曰鄧城屬  
襄陽郡其後廢入樊城樊周仲山甫所封也東漢建  
安中關羽圍于禁於樊後晉樊城縣後周省入安養  
隋屬襄陽郡唐屬襄州天寶元年改安養曰臨漢貞  
元二十一年移治古鄧城復改曰鄧城有樊城鎮

緊襄城縣故穀國二漢爲筑陽縣屬南陽郡晉屬順陽

郡其後廢焉孝武置義城縣及義城郡後周郡廢隋開皇十八年改縣曰穀城屬襄陽郡唐屬襄州

中下宜城縣故鄢楚之別都也秦爲南郡之北部漢惠帝三年改曰宜城屬南郡建安十三年魏武平荊州分置襄陽郡晉因之宋曰華山縣置華山郡後魏改爲宜城郡分華山置率道縣西魏改華山縣曰漢南後周郡廢隋屬襄陽郡唐屬襄州貞觀八年省漢南入率道天寶七載改率道曰宜城有黎邱城後漢初秦豐阻兵于黎邱卽此郡縣故郡國春秋時自商密

遷此爲楚附庸楚滅之昭王畏吳自郢遷焉後復還郢二漢及晉屬南郡隋屬襄陽郡唐改爲樂郡武德四年置郡州貞觀八年州廢屬襄州周省入宜城

中下中廬縣故廬戎國二漢爲中廬縣屬南郡晉屬襄陽其後廢焉梁置穰縣西魏改爲義清屬歸義郡後周廢隋屬襄陽郡唐屬襄州皇朝太平興國元年復改爲中廬

中下南漳縣本漢臨沮縣屬南郡晉屬襄州郡其後廢焉西魏置重陽縣後周改曰思安隋開皇十八年改

曰南漳屬襄陽郡唐屬襄州武德二年析南漳置荆山貞觀八年省南漳入義清開元十八年徙荆山于故南漳禹貢荆山在東北荆豫二州於是分境楚下和得玉之處

上鄧州木耋禹之國春秋時申鄧二國地戰國屬韓自後屬楚秦置南陽郡二漢因之晉屬南陽國及順陽義陽二國之境宋齊爲南陽郡後魏兼置荊州西魏爲重鎮隋開皇初改爲鄧州大業初州廢復置南陽郡唐武德二年曰鄧州天寶元年曰南陽郡梁升爲宣化軍節

度後唐改曰威勝周改曰武勝今縣五

上穰縣本楚別邑秦取之以封魏冉爲穰侯後屬南陽郡二漢因之晉屬義陽郡後魏爲南陽郡治及荊州刺史治焉隋開皇初改爲鄧州後爲南陽郡唐復爲鄧州二漢朝陽縣屬南陽郡晉義屬陽郡其後廢焉故城在今縣東南二漢新野縣屬南陽郡晉置義陽郡後曰棘陽置新野郡後周郡廢隋開皇初復改縣曰新野屬南陽郡唐乾元元年省入穰漢冠軍縣本穰盧陽郡武帝以封霍去病去病仍出征匈奴功冠

諸軍故曰冠軍屬南陽郡後晉隋皆因之唐貞觀元年省入臨瀨漢涅陽縣屬南陽郡後漢及晉皆因之隋開皇初改曰課陽唐貞觀元年省入穰故臨瀨縣本漢冠軍縣之北境魏置新城縣西魏改爲臨湍隋開皇初廢名新城屬南陽郡唐屬鄧州天寶元年復名臨湍漢改曰臨瀨皇朝建隆初省入穰

中下南陽縣故申國戰國時秦昭王以爲宛縣置南陽郡漢因之王莽以宛爲南陽後漢復爲宛晉如之後魏置上陌縣後周併宛入焉更名上宛隋開皇初改

爲南陽郡唐屬鄧州博望鎮漢博望縣也武帝置以封張騫屬漢陽郡後漢及晉皆因之其後廢焉安衆鎮二漢安衆縣也屬南陽郡晉省之漢杜衍縣屬南陽郡後漢省之故城在今縣西二漢育陽縣屬南陽郡晉因之其後廢焉故城在今縣南漢雒縣屬南陽郡東漢及晉皆因之元魏曰北雒後省卽陳倉人所逐二童子名寶雞者雄止陳倉爲石雌止此縣故名之漢西鄂縣屬南陽郡東漢及晉皆因之元魏省入北雒西魏向城縣及雒陽郡隋開皇初郡廢屬滎陽

郡唐屬鄧州復省入高陽

中下內鄉縣本楚之白羽邑春秋昭十八年許遷于白羽後改爲析漢屬弘農郡後漢屬南海郡晉屬順陽郡後曰西浙直浙陽郡後周改縣曰中鄉省浙川入焉隋改中鄉曰內鄉屬浙陽郡唐屬鄧州菊潭鎮本漢酈縣屬南陽郡後漢及晉皆因之隋開皇初改爲菊潭縣北有菊水其旁悉生甘菊水極甘馨中有三十家不復穿井仰飲此水上壽至百二三十唐屬鄧州周省之丹水鎮漢丹水縣也屬弘農郡後漢屬南

陽郡晉屬順陽郡後置丹川郡後周郡廢隋屬浙陽郡其後廢焉東有於村張儀說楚絕齊許以商於之地六百里卽此

中下浙川縣本後漢南鄉縣魏置南鄉郡晉改爲順陽郡後魏復爲南鄉郡又分置浙川縣後周省之隋開皇初郡廢大業初置浙陽郡其後浙陽及南鄉縣皆廢焉五代時復置浙川縣屬鄧州

中下順陽縣漢屬南陽郡哀帝改爲博山晉屬順陽郡西魏析置鄭縣尋改爲清鄉後周省順陽入焉隋開



皇初復改爲順陽其後省入內鄉爲鎮皇朝太平興國六年升爲縣

上隨州春秋隨國戰國屬楚秦屬南陽郡二漢因之晉屬義陽郡惠帝置隨郡宋齊因之西魏置并州後改曰隨州隋開皇初郡廢大業初州廢置漢東郡唐武德三年曰隨州天寶三年曰漢東郡皇朝乾德三年升崇義軍節度太平興國元年改崇信軍今縣三

上隨縣故隨國左傳所謂漢東之國隨爲大者也其後楚滅之以爲縣二漢屬南陽郡晉屬義陽郡惠帝置

隨郡宋齊因之西魏置隨州隋置漢東郡唐復爲隨州光化鎮本隨縣地南齊分置安化縣西魏改爲新化後周改爲光化隋屬漢東郡唐屬隨州皇朝熙寧元年省焉有斷蛇邱隋侯出而見大蛇中斷舉而藥之後蛇銜明珠報德故名

中下唐城縣故唐國屬楚漢爲上唐鄉屬春陵縣晉屬安昌縣後置上唐縣後魏曰厥西置義陽郡西魏改縣曰下差隋開皇初郡廢十六年改縣曰唐城屬漢東郡其後省入棗陽唐開元二十六年復置屬隨州

梁爲漢東後唐復故晉又改爲漢東漢又復故  
中下棗陽縣本二漢蔡陽縣屬南陽郡晉屬義陽郡後  
廢焉置廣昌縣及廣昌郡後魏置南荊州西魏改曰  
昌州隋開皇初郡廢仁壽元年避太子名改廣昌縣  
曰棗陽大業初州廢置春陵郡唐武德初郡廢五年  
改昌州爲唐州九年州徙治北陽貞觀十年以棗陽  
來屬漢春陵縣本蔡陽之白水鄉元朔五年以零陵  
冷道之春陵鄉封長沙王子買爲春陵侯至戴侯仁  
以春陵地形下濕上書請徙南陽元帝許之以蔡陽

白水鄉徙仁爲春陵侯光武其後也故張衡賦云龍  
飛白水晉改爲安昌縣後復曰春陵置安昌郡隋開  
皇初郡廢屬昌州大業初屬春陵郡後省之故城在  
今縣東後漢襄鄉縣屬南陽郡後廢爲故城在今縣  
東北

上金州春秋戰國皆屬楚秦及二漢屬漢中郡魏以漢  
中遺入在東陲者置魏興郡晉宋齊皆因之梁兼置南  
梁州西魏改曰東梁州以其地出金又改爲金州置金  
城郡隋開皇初郡廢大業三年州廢置西城郡唐武德

元年曰金州天寶元年曰安康郡至德二載改曰漢陰郡後復曰安康石晉升懷德軍尋罷皇朝乾德五年升昭化軍今縣五

下西城縣本媯墟舜常居之二漢屬漢中郡建安中置西城郡劉備以申儀爲太守儀據郡降魏魏文帝改爲魏興郡晉因之後周省入吉安隋大業三年改縣曰金川復置西城郡義寧二年縣復曰西城唐爲金州有伏羲山

下平利縣漢長利縣屬漢中郡東漢省之晉復置屬魏興郡宋改爲錫縣後廢梁初置上廉縣後改曰吉陽西魏改曰吉安後廢唐武德元年置平利縣大歷六年省長慶初復置皇朝熙寧六年省元祐二年復置有女媯山

中洵陽縣北山洵水所出南入沔故以名縣漢屬漢中郡後漢省之晉復置屬魏興郡後置洵陽郡隋開皇初郡廢屬西城郡唐屬金州涇陽鎮本西魏涇陽郡後周郡廢置黃土縣隋屬西城郡唐屬金州天寶元年更名涇陽皇朝乾德四年省入洵陽

中下漢陰縣本漢安陽縣屬漢中郡東漢因之晉改爲  
安康屬魏興郡後改曰寧都南齊置安康屬西城郡  
唐屬金州至德二載以安祿山姓改爲漢陰縣

下石泉縣南齊曰永樂縣置晉昌郡西魏改郡曰魏昌  
改縣曰石泉後周郡廢隋屬西城郡唐屬金州

下房州春秋時爲麋庸二國戰國屬楚秦二漢屬漢中  
郡魏置新城郡晉宋齊梁因之西魏置光遷國後周國  
廢爲郡隋開皇初郡廢大業初改州爲房州州廢置房  
陵縣唐武德元年曰遷州貞觀十年州廢自竹山徙房

州治此天寶元年曰房陵郡皇朝雍熙三年升保康軍  
節度今縣二

上房陵縣秦徙趙王遷于房陵卽此二漢屬漢中郡魏  
置新城郡以孟達爲太守達叛附蜀司馬宣王討平  
之西魏置光遷國後周郡縣並改爲光遷隋置房陵  
郡唐貞觀十年改縣曰房陵爲房州治焉武后廢中  
宗爲廬陵王遷之於此故永清縣本房陵縣地後魏  
分置大洪縣後周改焉隋屬房陵郡唐屬房州皇朝  
開寶中省

下竹山縣故庸國嘗從周武王伐紂牧誓所謂庸蜀羗  
髡二漢爲上庸縣屬漢中郡魏分置上庸郡晉宋因  
之後廢梁置安城縣西魏改爲竹山置羅州隋開皇  
初改爲房州大業初州廢屬房陵郡唐武德元年置  
房州貞觀十年徙治房陵故上庸縣亦漢上庸縣地  
梁置新豐縣西魏改爲上庸後周改曰孔陽隋開皇  
十八年復曰上庸屬房陵郡唐屬房州皇朝開寶中  
省有白馬塞山孟達嘗登之嘆曰此金城千里

上均州春秋時屬麇戰國屬韓二漢屬南陽漢中二郡

魏屬南鄉郡晉屬順陽郡宋置始平郡後置武當郡齊  
于此僑立始平郡尋改爲齊興郡梁兼置興州後周改  
曰豐州隋開皇初郡廢改州爲均州大業初州廢屬浙  
陽郡唐武德元年置均州天寶元年曰武當郡今縣二  
上武當縣二漢屬南陽郡魏屬南鄉郡晉屬順陽郡後  
置武當郡隋開皇初郡廢置均州大業初州廢屬浙  
陽郡唐復置均州有古塞城在縣北戰國時楚築以  
備秦所據之山高峻險峭今名大塞山有武當山  
上鄖鄉縣本漢錫縣地屬漢中郡魏屬魏興郡晉太康

三年置鄖鄉縣宋因之隋屬淅陽郡唐屬均州有錫穴左傳文十一年楚潘宋代麋至于錫穴是也豐州縣本漢長利縣地屬漢中郡梁置南上洛郡西魏改郡曰豐利而分錫置豐利縣後周郡廢隋以縣屬西城郡唐屬均州皇朝乾德六年省入鄖鄉

上鄖州春秋戰國皆屬楚秦屬南郡二漢屬江夏郡晉宋爲竟陵郡梁屬南司北新二川西魏屬安州後周置石城郡兼置鄖州隋開皇初郡廢大業初州廢置竟陵郡唐武德四年曰鄖州貞觀元年州廢隸郡州十七年

復置天寶元年曰富水屬今縣二

上長壽縣本漢竟陵縣地晉羊祜鎮荊州立石城因山爲固惠帝元康元年分江夏西部置竟陵治此宋太始六年置長壽縣後周置石城郡隋大業初置竟陵郡唐爲鄖州

下京山縣晉置新陽縣梁置新州梁寧郡西魏改縣爲角陵隋開皇初郡廢大業初州廢改角陵曰京山屬安陸郡唐武德四年置溫州貞觀十七年州廢屬鄖州富水鎮本後漢南新市縣地屬江夏郡晉因之西

魏改爲富水置富人郡隋開皇初郡廢屬安陵郡唐屬温州貞觀十七年來屬

上唐州春秋時屬戰國國屬韓秦屬南陽郡二漢及晉皆因之後魏置東荊州西魏改爲淮州爲重鎮置兵以備東魏隋開皇五年改爲顯州州廢置淮安郡唐武德四年曰顯州貞觀十年改爲唐州天寶元年曰淮安郡今縣五

中下泌陽縣漢湖陽舞陰平氏縣地屬南陽郡後魏置石馬縣後語訛爲上馬隋屬春陵郡唐屬唐州貞觀

元年省入湖陽開元十五年復置天寶元年改爲泌陽天祐二年州自此湯徙治于此改爲泌州後復故平氏鎮本漢平義陽晉爲西平氏屬義陽郡後置漢廣郡隋開皇初郡廢以平氏屬淮安郡唐屬唐州皇朝開寶五年省入泌陽有泌水在縣南卽後漢光武初起兵破王莽將甄直梁邱賜死處

中下湖陽縣故蓼國二漢屬南陽郡晉省入棘陽後魏復爲置西淮安郡及南襄州後郡廢改州爲南平州西魏改曰昇州後又改曰湖州後周改置昇州郡隋

開皇初郡廢仁壽初改曰昇州大業初州廢以湖陽屬春陵郡唐屬唐州棘陽故謝國詩所謂申伯番番既入于謝者也二漢爲棘陽縣屬南陽郡晉屬義陽郡其後省焉故城在今縣西北

中下比陽縣漢屬南陽郡後漢及晉皆因之後魏曰陽平置東荊州西魏改爲淮州隋開皇五年又改爲顯州七年改陽平縣爲饒良大業初又改曰比陽置淮安郡唐屬梁州方城山自比陽相比連百里號曰方城亦曰長城馬仁陂在縣北漑田萬頃

下桐陌縣漢平氏縣地屬南陽郡梁置淮安縣及華州上川郡西魏改州爲淮州後改曰純州尋廢隋開皇初郡廢更名縣曰桐栢屬顯州後屬淮陽郡唐屬唐州禹貢桐栢山淮水所出縣因山爲名

下方城縣本漢堵陽葉縣地屬南陽郡後漢及晉皆因之其後廢焉西魏置方城縣及襄邑郡隋開皇初郡廢屬滎陽郡唐屬唐州有方城山左傳所謂楚國方城以爲城者也水經注云方城邑西有黃城山是長沮桀溺耦耕之所有水出黃城山東流注濰水則子



路問津處

同下州光化軍春秋戰國皆屬楚二漢屬南陽郡晉宋屬順陽郡西魏置鄧城郡後周郡廢隋屬襄陽郡唐屬襄州皇朝置光化軍今縣一

乾德縣本楚地陰國所遷卽春秋左傳云遷陰于下陰者也二漢爲陰縣屬南陽郡西魏置鄧城郡後周郡廢屬襄州隋曰陰城屬襄陽郡唐貞觀八年省入穀城縣屬襄州皇朝乾德三年以陰城鎮置光化軍及置乾德縣熙寧五年廢軍改乾德爲光化縣屬襄州

後復置漢鄧縣蕭何所封屬南陽郡後漢因之晉置順陽郡初治鄧焉西魏置鄧城郡後周廢入陰城故城在今縣東北



府崇寧四年建為南輔今縣七

次赤長社縣本鄭長葛邑其社中木暴長因名長社二

漢及晉屬潁川郡後魏為郡治焉酈道元為郡守于

南城西側修立客館上下得一本根其壯大疑是故

社惟長暴茂者也隋開皇初改為潁川縣唐武德四

年復為長社屬許州許田鎮本許國二漢為縣屬潁

川郡獻帝都之魏文帝改曰許昌故城在今鎮南三

十里晉為郡治焉隋屬潁川郡唐屬許州後唐避諱

改曰許田皇朝熙寧四年省入長社

次畿鄆城縣戰國時為魏邑史記楚昭陽伐魏收鄆是

也一漢及晉屬潁川郡其後廢焉隋開皇初置鄆城

縣屬潁川唐始屬蔡州長慶元年屬許州有漢召陵

縣故城在東春秋齊桓公伐楚次于召陵是也後漢

征羌縣故城在東南

次畿陽翟縣本夏禹之別都後為鄭櫟邑戰國韓景侯

自新鄭徙都此秦置潁川郡二漢因之晉屬河南郡

東魏置陽翟郡隋開皇初郡廢屬襄城郡唐始屬河

南府會昌三年屬許州有鈞臺在南左傳所謂夏后

有鈞臺之饗卽此

次畿長葛縣本漢許縣地隋開皇六年分許昌置取長葛舊名屬潁川郡唐屬許州

次畿臨潁縣漢舊縣屬潁川郡東漢至隋皆因之唐屬許州繁城鎮本漢潁陰縣之繁陽亭魏文帝受禪于此置繁昌縣帝旣受禪自壇而降曰舜禹之事吾知之矣壇前有二碑後其碑六字生金論者以爲司馬金行故曹氏六世遷魏西事晉晉屬襄城郡隋屬潁川郡唐貞觀元年省入臨潁後唐避諱改爲繁城

次畿舞陽縣漢樊噲所封二漢屬潁川郡晉屬襄城郡後改爲北舞置定陵郡隋開皇初郡廢屬潁川唐貞觀元年屬許州尋廢開元四年復置更名舞陽有漢定陵縣故城

中邾縣春秋時爲楚邊邑令尹子瑕城邾是也漢屬潁川郡後漢省之魏復置青龍元年有龍見于邾之摩陂明帝幸陂觀龍于是改摩陂曰龍陂城曰龍城晉屬襄城郡其後廢之置龍山縣隋開皇初改曰汝南十八年改曰輔城大業初改曰邾城屬襄城郡唐屬

汝州皇朝崇寧四年來屬

西輔鄭州高辛氏火正祝融之墟周武王封管叔鮮及  
爲虢郟之國鄭武公與平王東遷武公滅二國而徙都  
焉後鄭爲韓所滅韓又徙都之秦屬三川郡二漢及魏  
屬河南郡晉置滎陽郡後魏爲東恒農郡東魏置廣武  
郡後周置鄭州隋開皇十六年曰管州煬帝初復爲鄭  
州尋廢置滎郡貞觀元年州廢自武牢移鄭州治此天  
寶元年曰滎陽郡皇朝景祐元年號奉寧軍節崇寧四  
年建爲西輔今縣六

望管城縣故管國周武王弟叔鮮所封春秋晉師救鄭

楚子次于管以待之卽此漢晉爲京縣地隋開皇十  
六年析內牟以置管城屬滎陽郡十八年改內牟曰  
圃田省入管城唐貞觀七年自武牢移鄭州治此東  
有圃田爲豫州藪有郟城爲縣南左傳晉楚戰處

緊滎陽縣故虢國所謂東虢也二漢屬河南郡晉泰始  
二年置滎陽郡後魏因之北齊改曰成臯郡隋開皇  
初郡廢屬鄭州唐因之有鴻溝在西楚漢中分天下  
處漢京縣故城在東古鄉邑也莊公弟叔段居之謂

之京城太叔二漢屬河南郡晉及後魏屬滎陽郡北齊省入焉又有索水楚漢戰京索間卽此

上新鄭縣占有熊國黃帝所都也亦爲高辛氏火正祝融之墟其後世爲鄆國亦作檜詩之國風所謂檜羔裘者也鄭桓公始封在今華州之鄭其子武公與平王東遷乃取鄆而徙居焉是爲新鄭戰國時鄭滅於韓韓哀侯自平陽徙都之二漢屬河南郡晉以後不置隋開皇十六年復之屬滎陽郡大業初省苑陵縣入焉唐屬鄭州有溱洧二水

中原武縣二漢屬河南郡晉以後不置隋開皇十六年復之屬滎陽郡唐屬鄭州漢卷縣故城在東

中滎澤縣禹貢所謂濟水溢爲滎者也杜佑云今濟水不復入滎漢晉後魏爲滎陽縣地隋開皇四年置廣武縣仁壽元年更名滎澤屬滎陽郡唐屬鄭州有廣武山上有東西二城中有絕澗漢高帝項羽相與臨廣武之間而語卽此有敖山商王仲丁自亳遷此周宣王常狩其地故詩言搏獸于敖秦于此置倉所謂敖倉也故王宮城在今縣西北左傳作王宮于踐土

此今故城內東北隅有畿土臺是也

畿密縣本鄭邑春秋諸侯伐鄭圍新密二漢屬河南郡  
晉屬滎陽郡唐屬河南府皇朝因之崇寧四年來屬  
輔滑州古豕韋氏之國春秋時屬衛戰國時亦屬衛其  
西境屬魏秦屬東郡二漢因之晉為陳留濮陽二國宋  
武帝平河南置兗州以為邊鎮後魏置東郡隋置杞州  
後為滑州又改為兗州後復為東郡唐復為滑州天寶  
元年更名靈昌郡大歷七年升義成軍節度後避梁王  
父諱改曰宣義軍後唐復故而改靈昌曰靈河皇朝太

平興國四年改武成軍今縣三

中白馬縣本衛國曹邑左傳閔二年狄滅衛立戴公以  
廬于曹即此二漢為白馬縣屬東郡袁紹遣顏良攻  
東郡太守劉延於白馬關羽為曹公斬良以報焉晉  
屬濮陽國宋置兗州後魏置東郡隋開皇初郡廢置  
杞州十六年改為滑州大業二年改為兗州後復為  
東郡唐又為滑州有黎陽津一曰白馬津鄆生云守  
白馬之津是也有靈河津晉時石勒襲劉曜途出于  
此以河水津為神靈之助故號為靈昌津後唐改為

靈河津靈河鎮漢南燕縣地隋開皇十六年置靈昌縣以津為名屬東郡唐屬滑州後唐改為靈河縣皇朝治平三年省入白馬有滑臺本鄭之廩延邑其城甚固

望韋城縣故豕韋氏國商時為伯焉韋賢詩曰肅肅我祖國自豕韋是也二漢為白馬縣地屬東郡晉屬濮陽國隋開皇六年置韋城縣屬東郡唐屬滑州

緊胙城縣故南燕國二漢為南燕縣屬東郡晉省之其後復置曰東燕隋開皇十八年改曰胙城屬東郡唐

屬滑州胙城周公諸子所封之傳富辰曰凡蔣邢茅胙祭周公之嗣也杜預注東郡燕縣云南有胙亭而晉史地理志無此郡縣豈永嘉喪亂簡編失亡故耶望孟州春秋戰國皆屬周自漢晉至隋皆屬河內郡唐顯慶二年割屬河南府建中二年乃以河南之河陽河清濟源溫四縣租稅入河陽三城使又以汜水軍賦益之會昌三年遂以此五縣為孟州今縣六

望河陽縣古孟津也周武王伐紂師渡孟津即此亦曰富平津魏尚書杜君畿試船沉溺之所浮橋即晉杜



預所立自漢至隋屬河內郡唐屬河南府置河陽三  
城使後置孟州今縣西南十三里有遮馬堤舊爲河  
陰縣地後魏爾朱榮害朝士千三百餘人卽此

望溫縣本周畿內國司寇蘇忿生所封也春秋僖十年  
秋滅溫蘇子奔衛于是襄王以賜晉文公二漢屬河  
內郡晉因之其後廢焉隋開皇十六年後置屬河內  
郡唐武德四年屬懷州顯慶二年屬洛州後屬孟州  
望濟源縣周大夫蘇忿生之原邑周襄王以賜晉文公  
文公伐原以示信二漢爲軹縣地晉爲沁水縣地俗

以濟水重源所發因謂之濟源城隋開皇十六年置  
濟源縣屬河內郡唐武德四年屬懷州顯慶二年屬  
洛州徐屬孟州漢軹縣屬河內郡後漢及晉皆因之  
隋大業初省入河內後復置唐貞觀元年省入濟源  
故城在縣東南有溴水春秋襄十六年公會諸侯于  
溴梁卽此

上汜水縣本東虢國鄭滅之爲制邑所謂制巖邑卽此  
有故虎牢城周穆王獵于鄭圃獲虎命畜之因名曰  
虎牢二漢爲成臯縣屬河南郡晉因之宋時毛德祖



原件短缺

戊虎牢後魏晝夜攻圍二百日乃克後魏置東中府  
東魏置北豫州後周置滎州隋開皇初曰鄭州十八  
年改成臯縣曰汜水大業初置虎牢都尉府屬滎陽  
郡唐屬鄭州顯慶二年屬洛州垂拱四年曰廣武神  
龍元年復故後屬孟州有汜水關皇朝大中祥符中  
改爲行慶關東南有成臯故關西南有旋門故關  
中河陰縣漢成臯滎陽懷縣地唐開元二十九年割汜  
水滎澤武陟三縣置以便運漕屬河南府領河陰倉  
汴渠在縣南二百五十步卽古葦蕩渠今名通濟渠

太守陳憲拒守四十餘日不拔隋開皇初郡廢大業  
初復置縣曰汝陽唐爲蔡州漢有汝陽縣在西華南  
頓之間非今縣也漢宜春縣屬汝南郡後漢曰北宜  
春晉因之後廢焉故城在今縣西南漢平輿縣故沈  
國漢高帝四年置汝南郡後漢因之晉屬汝南郡後  
徙焉故城在今縣東漢安城縣屬汝南郡後漢及晉  
皆因之後廢焉故城在今縣東南

上上蔡縣故蔡國蔡叔始封地秦爲上蔡縣李斯其邑  
人也漢屬汝南郡後漢及晉皆因之後魏改爲臨汝

北齊廢之隋開皇中置曰武津大業初復改爲上蔡屬汝南郡唐屬蔡州

中新蔡縣古呂國春秋時蔡平侯自上蔡遷此故曰新蔡二漢屬汝南郡魏晉屬汝陰郡南齊置北新蔡郡後魏曰新蔡郡北齊曰廣寧郡隋開皇初郡廢十六年置廣寧縣仁壽元年改曰汝北大業初改曰新蔡屬汝南郡唐屬蔡州漢銅陽縣屬汝南郡後漢因之晉屬汝陰郡北齊廢之隋開皇十一年復置屬淮陽郡後廢焉故城在今縣北有葛陂

中袞信縣後漢舊縣屬汝南魏郡晉屬汝陰郡宋改曰包信隋大業初復故名屬汝南郡唐屬蔡州西南有白亭楚王孫勝爲白公卽此處

中平輿縣漢舊縣後廢隋大業初改新蔡爲平輿屬汝南郡唐屬蔡州有葛陂水經云億水左迤爲葛陂方數十里水物舍靈多所包育後漢費長房投竹化成龍處

中遂平縣故房子國國語所謂周昭王娶于房曰房后是也楚靈王遷房於楚而有其地後以封吳王之弟

夫槩爲堂谿氏故曰吳房漢屬汝南郡後漢及晉皆因之後曰遂寧隋大業初改曰吳房屬汝南郡唐屬蔡州元和十二年平吳元濟更名遂平

中新息縣故息國二漢屬汝南郡晉爲郡治焉後魏置東豫州梁曰西豫州又改曰淮州東魏復曰東豫州後周曰息州隋大業初州廢屬汝南郡唐屬蔡州漢安陽縣故江國也二漢及晉皆屬汝南郡後廢焉故城在今縣西

中確山縣本漢安昌縣屬汝南郡後漢省之其後復置隋開皇十八年改爲朗山屬汝南郡唐屬蔡州皇朝大中祥符五年改爲確山漢朗陵縣屬汝南郡後漢及晉皆因之後廢焉故城在今縣西南有道城故道國左傳曰江黃道柏皆弦姻也在漢爲陽安縣後漢及晉皆因之後廢焉

中真陽縣本漢慎陽縣屬汝南郡慎字本作眞音真永平五年失印更刻遂誤以水爲心也後漢及晉皆因之後魏置郢州東魏廢州置義陽郡北齊廢郡入保城縣隋開皇十一年廢保城十六年置真邱縣大業

初改曰真陽屬汝南郡唐屬蔡州漢新陽縣屬汝南郡後漢因之晉省焉故城在今縣西南

中西平縣故柏子國漢舊縣屬汝南郡後漢及晉皆因之後魏置襄城郡北齊改曰又城郡隋開皇初郡廢屬汝南郡唐屬蔡州

上陳州包犧氏都曰太昊之墟周封舜後媯滿于此以備三恪爲陳國楚滅爲縣楚項襄王自郢徙都此兼爲魏境秦屬潁川郡二漢屬淮陽國汝南郡後漢國之晉屬梁國汝南郡後魏置陳郡及北揚州北齊改爲信州

隋爲陳州後置淮陽郡唐爲陳州晉開運二年置鎮安軍節度漢初軍廢周廣順二年復之今縣五

繁宛邱縣周時陳都楚項襄王滅之自郢徙都焉陳勝反秦據陳自立爲張楚漢高帝置淮陽國章和二年改爲陳國晉併入梁國後魏曰項置陳郡隋開皇初改縣曰宛邱而郡廢焉大業初爲淮陽郡唐爲陳州爾雅曰邱上有邱曰宛邱今其地形則然有古固陵城項羽南走固陵卽此

上項城縣本項國戰國屬楚項羽家世楚將封于項故

姓項氏二漢屬汝南郡皆屬梁國後魏置揚州及秣陵縣梁改曰殷州東魏改曰北州後齊改曰信州後周改曰陳州隋開皇初改秣陵為項城縣大業初州廢屬淮陽郡唐屬陳州

中商水縣本漢汝陽縣地屬汝南郡後漢及晉皆因之後魏置汝陽郡北齊郡廢隋開皇十六年置潑水縣大業初省汝陽入焉屬淮陽郡唐屬陳州皇朝建隆元年改為商水漢地理志汝南有潑縣水經注云潑水出潑川城陽縣少室山東經潑疆縣故城南又

東逕西華縣故城南又東逕汝陽故城北東注于潑中南頓縣故頓子國應劭曰頓迫于陳其後南徙故曰南頓二漢及晉屬汝南郡後魏置南頓郡北齊郡廢隋開皇六年改縣曰和城大業初復改曰南頓屬淮陽郡唐屬陳州皇朝熙寧六年省入商少元祐元年復置

中西華縣二漢屬汝南郡晉省之後置長平縣隋開皇十八年改曰鴻溝大業初復改曰西華屬淮陽郡唐武德元年更名箕城屬陳州景雲元年復名長平鎮

漢爲長平縣屬汝南郡後漢屬陳國晉屬梁國北齊  
省入西華

上潁州春秋時爲胡國及楚地秦爲潁川郡地二漢屬  
汝南郡魏置汝陰郡晉因之後魏置潁川郡隋亦爲潁  
川復爲汝陰郡唐爲潁州皇朝元豐二年升順昌軍節  
度今縣四

望汝陰縣西北有胡城故胡國二漢爲汝陰縣屬汝南  
郡魏置汝陰郡後廢晉泰始二年復置隋開皇初郡  
廢大業初復置唐爲潁州二漢細陽郡屬汝南郡晉

省之故城在今縣西北

緊萬壽縣蓋二漢細陽縣地皇朝開寶六年析汝陰之  
百尺鎮置萬壽縣屬潁州水經注云百尺水承次塘  
細陂南流注于潁鎮實因水爲名

緊潁上縣本楚慎縣地二漢屬汝南郡晉屬汝陰郡後  
廢焉梁置下蔡郡北齊郡廢隋大業初置潁上縣于  
故鄭城屬汝陰郡唐武德四年移于今治屬潁州慎  
縣故城在今縣西北

緊沈邱縣本漢項縣地屬汝南郡後置沈邱縣隋開皇



十六年置沈州領沈邱宛邱二縣唐初州廢以宛邱屬陳州沈邱屬潁州後省沈邱入汝陰神龍二年復置有武邱本曰邱頭魏王陵鎮壽春欲興兵討司馬宣王宣王自往征之軍至邱頭陵懼面縛水次故號為武邱即此

輔汝州東周為王畿春秋為戎蠻子邑及屬楚鄭戰國屬韓秦屬三川郡二漢屬河南潁川郡魏晉屬河南襄城郡後魏屬汝北魯陽郡東魏置北荊州後周改曰和州隋初置伊州煬帝初改為汝州後廢州以其地屬襄

城潁川二郡唐為汝州天寶元年曰臨汝郡今縣五

中梁縣本漢周承休邑武帝元鼎四年行幸至洛陽詔

封姬嘉為周子南君以奉周祀初元五年以周子南

君為周承休侯邑屬潁川郡後魏曰汝源縣置汝北

郡後改曰汝陰郡後周郡廢隋大業初改汝源為承

休置襄城郡唐為汝州貞觀元年改承休為梁縣梁

本周南鄭之邑在承休西南四十二里有霍陽聚左

傳哀四年楚人為晉之期襲梁及霍是也戰國曰南

梁以別大梁少梁焉漢屬河南郡後漢及晉皆因之

隋屬襄城郡唐屬承州貞觀元年省梁入承休而更名承休曰梁西有原澤後漢作苑為遊獵之地鄧太后臨朝試士以為文教可興宜廢蒐狩之禮於是馬融作頌以諷焉後桓帝復校獵廣成今日廣潤河蓋避朱梁廟諱也有愚狐聚秦滅西周徙其君於此有陽人聚秦滅東周徙其君于此臨汝鎮唐先天元年置縣屬汝州貞元八年以梁縣西界二鄉益之兼移縣于石城驛後入梁

緊襄城縣本鄭地南有汜城周襄王避叔帶之難出適

鄭處于汜是也以襄王所居因曰襄城楚靈王築又有古不羹城在西北二漢屬潁川郡晉屬襄城郡隋開皇初郡廢屬汝州大業初州廢屬潁川郡唐武德元年置汝州貞觀元年州廢屬許州開元一十六年來屬

上葉縣本楚地惠王以封沈諸梁謂之葉公葉公好龍神龍下焉二漢屬南陽郡明帝時王喬為葉令每月望常乘雙鳧入朝今有墓在焉晉屬南陽國北齊置襄州後周廢州置南襄城郡隋開皇初郡廢屬許州

唐開元三年置仙州二十六年州廢大歷四年復置  
仙州又析置仙巖縣五年州廢省仙巖入葉來屬二  
漢父城縣屬潁川郡晉屬襄城郡後廢入葉有應鄉  
故應國按汲冢古文商時王有應國矣周武王以封  
其子爲應侯故左傳言邢晉應韓武之穆也戰國爲  
秦所有以封范雎爲應侯有方城左傳所謂楚國方  
城以爲城卽此又有昆陽城卽光武破王尋之所也  
申魯山縣在夏爲魯縣陶唐氏旣立其後有劉累爲御  
龍氏以事夏孔甲龍一雌死潛醢以食夏后旣而使

求之懼而避于魯縣是也漢爲魯陽屬南陽郡後漢  
及晉皆因之後魏置荊州尋廢立魯陽郡後置魯州  
隋開皇初郡廢大業初州廢以魯縣屬襄城郡唐爲  
魯山武德四年復置魯州貞觀九年州廢以魯山來  
屬故犇縣本鄭邑漢屬南陽郡後廢故城在今縣東  
南後周置三鷓鎮在縣西南十九里原闕平高城以  
備齊北齊置魯城在縣東北十七里以禦周

中龍興縣本湍陽縣唐武德四年置屬伊州貞觀元年  
省證聖七年復置曰武興屬汝州神龍元年更名爲

中興尋改曰龍興皇朝熙寧四年省入魯城元祐元年復置

同下州信陽軍春秋時屬申其後屬楚秦屬南陽郡二漢屬南陽江夏郡晉置義陽郡宋置宋安郡南齊置司州梁因之有三關之隘北接陳汝控帶許洛宋以來省爲邊鎮後魏改曰郢州後周改曰申州隋開皇初郡廢大業二年改曰義州尋爲義陽郡唐爲申州天寶元年曰義陽郡皇朝開寶九年降爲義陽軍太平興國元年改爲信陽今縣二

中下信陽縣二漢平氏縣地屬南陽郡晉分置義陽縣義屬陽郡後廢焉宋曰平陽縣置宋安郡隋開皇初郡廢改平陽縣爲義陽大業初置義陽郡唐爲申州皇朝爲義陽軍太平興國元年改義陽縣爲信陽漢鐘武縣屬江夏郡後漢省焉故城在今縣東南漢郟縣屬江夏郡後漢及晉因之北齊改爲齊安晉齊安郡隋開皇初郡廢改縣曰鐘山屬義陽郡唐屬申州皇朝開寶九年省入義陽有鐘山桐柏山淮水中下羅山縣二漢郟縣地北齊置高安縣隋開皇初廢

十六年復置曰羅山屬義陽郡唐屬申州皇朝屬信陽軍有石城山甚高峻史記曰魏攻冥阨蓋謂此山也呂氏春秋言九塞冥阨其一焉

臣謝 墉恭校

輿地廣記卷十

宋 歐陽 忞 撰

河北東路

北輔開德府春秋時屬衛國秦置東郡二漢屬東魏二郡晉屬濮陽國頓邱郡隋屬東武陽二郡唐屬澶濮魏三州晉天福中移濮陽于澶州南邦為治所九年升鎮寧軍節度皇朝大觀元年升開德府崇寧四年建為北輔今縣七

中濮陽縣本漢頓丘縣地其濮陽故城在今縣東帝顓

項之墟也謂之帝邱夏后相嘗居于此夏伯昆吾亦都之春秋時衛成公自楚邱徙焉夢康叔曰相奪予享公命祀相秦始皇東徙衛君角而置東郡二漢皆因之晉置濮陽國隋屬東郡唐屬濮州晉天德中移縣于澗州南郊爲治所有鮒鮒山帝顓頊所葬有瓠子口漢元光中河決瓠子東南注鉅野

望觀城縣古觀國嘗叛命爲夏所伐左傳所謂夏有觀扈是也漢爲畔觀縣屬東郡光武更名衛國以封周後晉屬頓邱郡隋開皇六年更名觀城屬武陽郡唐

屬澶州有臨黃縣漢畔觀縣地也後魏置隋因之屬武陽郡唐始屬魏州大歷七年來屬皇朝雍熙四年省入觀城有新臺衛宣公作

緊臨河縣漢黎陽縣地屬魏郡隋開皇六年析黎陽置臨河縣十六年置澶淵縣並屬汲郡春秋諸侯之大夫會于澶淵此其地也後避唐高祖諱改澶淵爲澶水武德四年於澶水置澶州貞觀七年州廢省澶水入臨河屬魏州五代時來屬

中清豐縣漢頓邱縣地唐大歷七年析頓邱昌樂置清

豐縣以孝子張豐爲名屬澶州頓邱本衛邑在淇水  
南故詩言送子涉淇至於頓邱二漢屬東郡晉置頓  
邱郡後郡廢焉隋屬武陽郡唐始屬魏州大歷七年  
於頓邱復置澶州晉天福四年移濮陽於澶州南部  
爲治所而以頓邱爲德濟軍皇朝熙寧四年省頓邱  
入清豐

中衛南縣本楚邱也衛文公自曹邑徙此始建城市而  
營宮室隋開皇十六年置楚邱縣屬東郡大業初以  
梁郡有楚邱乃改爲衛南唐屬滑州五代時來屬

畿朝城縣本二漢東武陽縣屬東郡臧洪爲東郡太守  
據此以拒袁紹紹圍之城陷爲紹所殺魏晉屬陽平  
郡北齊廢之後周復置武陽縣隋屬武陽郡唐屬魏  
州貞觀十七年省永昌元年復置武聖縣開元七年  
更名朝城晉屬大名府皇朝崇寧四年來屬

畿南樂縣漢東郡之樂昌也宣帝封王武爲樂昌侯後  
漢省之晉置昌樂縣水經樂昌縣故城東西注引漢  
書表志以爲東郡之屬縣漢宣帝封王稚君爲侯國  
此則以樂昌爲昌樂矣隋屬武陽郡開皇六年置繁

永縣大業初廢昌樂縣入繁水唐置昌樂廢繁水入焉後唐避諱改爲南樂晉屬大名府皇朝崇寧四年來屬

次府河間府春秋時屬晉戰國時屬趙秦屬上谷郡漢屬涿郡後漢爲河間國晉因之後魏爲河間郡孝文帝置瀛州隋廢郡而州如故大業初州廢置河間郡唐爲瀛州皇朝大觀二年升河間府瀛海軍節度今縣二望河間縣本漢州鄉武垣縣地屬涿郡後漢省州鄉入武垣屬河間國晉因之後分置河間縣郡徙治此隋

開皇初郡廢爲瀛州大業初復置郡省武垣入焉唐爲瀛州東城鎮本漢東州縣屬渤海郡後漢屬河間國晉屬章武國北齊廢之隋開皇十六年置日東城屬瀛州大業初屬河間郡唐屬瀛州皇朝熙寧六年省入河間

望樂壽縣本漢樂成縣爲河間國治焉後漢及晉皆因之隋開皇十八年改爲廣城屬瀛州仁壽初改爲樂壽屬河間郡唐屬瀛州後屬深州景城鎮本漢景成成平縣地屬渤海郡後漢省景成入成平屬河間國



晉因之隋開皇十八年改爲景城屬瀛州大業初屬河間郡唐屬瀛州皇朝熙寧六年省入樂壽

上滄州春秋戰國時爲齊趙二國之境秦屬鉅鹿上谷郡漢置渤海郡後漢晉因之宋文帝置樂陵郡孝武分置渤海郡後魏因之太武初改渤海爲滄水孝文時復舊孝明帝分瀛冀二州屬滄州及浮陽樂陵二郡隋置棣州後改爲滄州尋爲渤海郡唐爲滄州天寶元年改爲景城郡今縣五

望清池縣本漢浮陽縣在浮水之陽高帝置渤海郡唐

屬滄州貞觀元年州自胡蘇徙治于此長蘆鎮以水爲名本漢參戶縣地屬渤海郡後省焉隋開皇初置長蘆縣及漳河郡尋廢十六年置景州大業初州廢屬河間郡唐武德四年又置景州貞觀元年州廢屬滄州周省入清池饒安鎮本漢千童縣屬渤海郡靈帝改曰饒安晉因之後置滄州及浮陽郡隋開皇初郡廢大業初州廢屬渤海郡唐屬滄州皇朝熙寧五年省入清池乾符寨本二漢章武縣屬渤海郡晉屬章武郡後省焉隋開皇十六年置魯城縣屬瀛州大

業初屬河間郡唐貞觀元年屬滄州乾符元年生野  
稻水穀二千餘頃燕魏飢民就食之因改名曰乾符  
周省入清池有徒駭河禹貢九河之一也

望無棣縣本齊地昔周成土賜齊太公履北至于無棣  
是也漢爲陽信縣地隋開皇六年置無棣縣屬渤海  
郡取縣南無棣溝爲名唐屬滄州貞觀元年省入陽  
信八年復置無棣溝通海隋末廢唐永徽元年薛大  
鼎開之百姓歌曰新河得通舟楫利直達滄海魚鹽  
至昔日徒行今騁駟美哉薛公德勞被皇朝治平二

年徙治保順軍有鬲津河禹貢九河之一也

繫鹽山縣二漢爲城縣屬渤海郡故地在今縣南晉以  
後皆因之隋開皇十八年改爲鹽山屬棣州大業初  
屬渤海郡唐屬滄州有鹽山

繫樂陵縣二漢屬平原郡故城在今縣東晉屬樂陵國  
後爲樂陵郡治焉隋開皇初郡廢屬棣州大業初屬  
渤海郡唐屬滄州有漢重合縣故城在縣東皇朝熙  
寧二年徙治咸平鎮有鈞盤河禹貢九河之一也  
中南皮縣漢屬渤海郡章武有北皮亭故以云南皮後

漢爲渤海郡治焉建安中曹公破青州刺史袁譚於此晉因之隋屬渤海郡唐屬景州臨津鎮本漢東光縣地隋開皇十六年於胡蘇亭置胡蘇縣屬平原郡唐更名臨津屬景州皇朝熙寧六年省入南皮存潔河禹貢九河之一也

上冀州春秋時屬晉戰國屬趙秦屬鉅鹿郡漢置信都郡國景帝改爲廣川宣帝復故後漢明帝更名樂安安帝改曰安平後兼置冀州晉因之後魏爲長樂郡兼置冀州北齊後周皆因之隋初郡廢而冀州如故

大業初州廢復置信都郡唐爲冀州皇朝慶歷八年升武安軍節度今縣六

望信都縣漢爲信都國治後漢爲安平國治晉因之後魏以來爲長安郡治隋開皇初郡廢分信都置長樂縣大業初省信都入焉置信都郡唐爲冀州改長樂縣爲信都有禹貢降水漢昌城縣屬信都國後漢改爲阜城後徙焉故城在今縣北漢扶柳縣屬信都國後漢屬安平國晉因之北齊省焉故城在今縣西上蔘縣本漢脩縣屬信都國後漢屬渤海郡晉因之隋

開皇五年改爲蓁縣屬冀州大業初屬信都郡唐屬  
德州永泰元年屬冀州漢觀津縣故城在東北

上南宮縣漢舊縣屬信都國呂后封張敖子偃爲南宮  
侯卽此後漢屬安平國晉省之後復置元魏屬長樂  
郡北齊省之隋開皇六年復置屬冀州大業初屬信  
都郡唐屬冀州堂陽鎮本漢堂陽縣屬鉅鹿郡後漢  
屬安平國晉省之後復置北齊省之隋開皇十六年  
復置屬冀州大業初屬信都郡唐屬冀州皇朝皇祐  
四年省入南宮

上棗彊縣漢舊縣屬清河郡後漢省之後復置隋屬冀  
州大業初屬信都郡唐屬冀州漢廣川縣屬信都國  
後徙焉故城在今縣東北

上武邑縣漢屬信都國後漢屬安平國晉因之後齊廢  
隋開皇六年復置屬冀州大業初屬信都郡唐屬冀  
州觀津鎮本趙地樂毅自燕降趙封之於此號爲望  
諸君漢爲觀津縣屬信都國後漢及晉因之後省有  
衡水石隄唐顯慶元年築

中衡水縣隋開皇十六年分信都北界武邑西界下博

南界置衡水縣屬冀州大業初屬信都郡唐屬冀州  
上博州春秋爲齊之西境戰國屬齊趙衛三國之交秦  
屬東郡漢屬東郡平原清河三郡後漢屬東郡平原二  
郡晉屬平原國宋分置魏郡後魏置南冀州及平原郡  
隋初郡廢改州爲博州大業初州廢屬武陽郡唐爲博  
州大寶元年曰博平郡今縣四

望聊城縣本齊西鄙之邑水經注云聊城縣東北三十  
里有攝城左傳所謂聊攝以東是也戰國時燕將保  
聊城齊田單攻之歲餘不下魯仲連乃爲書約之矢

以射城中燕將見書乃自殺二漢屬東郡魏晉屬平  
原國後爲平原郡治焉隋開皇初郡廢十六年置博  
州大業初州廢以聊城屬武陽郡唐武德四年置博  
州漢柱平縣屬東郡後漢屬濟北郡魏晉屬平原國  
昔石勒耕於柱平聞鼓角鞞鐸之聲其母以爲作勞  
耳鳴卽此後廢焉唐武德四年析聊城置柱平縣貞  
觀八年省

望高唐縣春秋齊邑漢屬平原郡後漢及晉皆因之後  
魏置南清河郡北齊郡廢隋開皇初屬貝州大業初

屬清河郡唐武德四年屬博州

緊博平縣漢屬東郡魏晉屬平原國元魏屬長樂郡隋

開皇初屬貝州大業初屬清河郡唐屬博州漢靈縣

屬清河郡後漢及晉因之後廢隋開皇初復置大業

初省入博平唐武德三年復置四年省入焉

上棣州春秋戰國皆屬齊秦屬齊郡漢屬渤海平原千

乘郡後漢屬北海平原縣樂安國晉屬樂安樂陵二國

宋為樂陵郡後魏又為樂安樂陵二郡隋初屬棣州後

屬渤海郡唐武德三年置魏州天寶元年曰樂安郡今

縣三

望厭次縣本漢信縣地屬渤海郡後漢因之晉屬樂陵

國後為渤海郡治元魏屬樂陵郡隋開皇六年置棣

州大業初為渤海郡後郡徙治清地唐武德四年以

陽信棣州八年州廢屬滄州貞觀十七年復置於厭

次皇朝大中祥符八年徙州城及厭次於陽信縣地

中滴河縣本漢初縣屬平原郡後漢省之隋開皇十六

年置滴河縣屬棣州大業初屬渤海郡唐屬棣州漢

濕沃縣屬千乘郡後漢省之晉復置屬樂陵國北齊

興地屬言  
卷一  
十一  
省之後入滴河

下陽信縣本漢富平縣後改爲厭次屬平原郡後漢永平五年復置晉爲樂陵國治焉元魏屬樂陵郡北齊廢之隋開皇十六年復置屬棣州大業初屬渤海郡唐武德四年屬棣州八年州廢屬滄州貞觀十七年復置屬棣州皇朝大中祥符八年徙州城及厭次縣於陽信而徙陽於故厭次焉

上莫州漢爲鄭縣屬涿郡後漢屬河閒國晉因之隋屬河閒郡唐武德四年屬清州貞觀元年屬瀛州景雲二

一  
年置鄭州開元十三年以鄭鄭文相類更名莫州今縣

上在邱縣本漢鄭縣地平帝時使中郎將任立築城因以爲名後置任邱縣隋省之唐武德五年復屬蒲州景雲元年屬鄭州開元十三年改鄭縣爲莫皇朝熙寧六年省莫縣入焉長豐縣本利豐唐開元十年析文安任邱置屬鄭州是年更名長豐皇朝熙寧六年省

中雄州春秋戰國皆屬燕秦屬六合郡唐屬涿易二郡

晉時入於契丹周克復之置雄州皇朝政和三年爲易陽郡今縣二

中歸信縣本漢易縣地屬涿郡後漢屬河間國公孫瓚有幽州童謠曰燕南垂趙北際中間不合大如礪唯此中可避世瓚自以爲易地當之遂徙鎮焉易京故城在縣南十八里晉亦屬河間國北齊省入鄭縣隋屬河間郡唐武德五年置歸義縣屬幽州貞觀元年省之八年復置景雲二年屬漠州是年還屬幽州大歷四年屬涿州晉時入於契丹周顯德六年世宗克

瓦橋關置雄州治歸義縣皇朝太平興國元年改爲歸信有易水

中容城縣漢屬涿郡後漢省之晉復置屬范陽國隋開皇初改爲道縣屬上谷郡唐武德五年置北義州貞觀元年州廢以縣屬易州聖歷二年契丹入寇固守不陷因改名全忠神龍二年復名道天寶元年改爲容城周顯德六年屬雄州尋廢皇朝建隆四年復置中霸州漢屬渤海郡後漢屬廣陽國河間郡晉屬燕國章武後屬河間燕郡隋屬河間涿郡唐屬幽州莫州晉



時入於契丹周克復之置霸州皇朝政和三年爲永清郡今縣二

上文安縣漢屬渤海郡後漢屬河間國晉屬章武國隋初屬瀛州大業初屬河間郡唐屬瀛州景雲二年屬莫州周顯德六年屬霸州皇朝景祐元年省永清入焉永清本漢安次縣地屬渤海郡唐如意元年析置武隆縣屬幽州景雲元年曰會昌天寶元年曰永清晉時入於契丹周世宗克益津關置霸州治永清縣後省入文安

上大城縣五代時置屬瀛州周顯德六年屬霸州

上德州春秋戰國皆屬齊秦屬齊郡漢置平原郡後漢因之晉屬平原國宋屬平原郡後魏後周皆因之隋初置德州後復爲平原郡唐爲德州天寶元年曰平原郡今縣二

望安德縣漢屬平原郡後漢及晉皆因之後爲郡治焉隋開皇初郡廢九年置德州大業初復置平原郡唐爲德州天寶末安祿山反河北皆陷獨顏真卿爲平原太守帥衆討賊漢高縣屬平原郡後漢及晉因之

北齊省入故城在縣西北漢重平縣屬渤海郡後漢省之後魏復置北齊省之故城亦在縣西北德平鎮蓋漢平昌縣屬平原郡後漢省之晉爲西平昌屬平原國後魏置永安郡北齊郡廢隋開皇初屬德州大業初屬平原郡唐屬德州後謂之德平疑後唐避諱更名皇朝熙寧六年省入安德

繁平原縣齊之西邑韓信夜渡平原襲擊齊歷下軍卽此漢高帝六年置平原郡故城在今縣西南後漢及晉皆因之後郡徙治安德隋屬平原郡唐屬德州漢

鄒縣屬清河郡後漢及晉因之北齊省入平原故城亦在縣西南

上濱州自唐虞以下地理與涿州同初五代之際置權鹽務於海傍後置贍國軍周世宗顯德三年置以其濱海爲名割棣州之渤海蒲臺爲屬縣而治渤海今領縣二

望渤海縣唐垂拱四年析蒲臺縣地置屬棣州周顯德三年置濱州治此與蒲臺本漢鬲縣地屬平原郡臺高八丈方二百步昔秦始皇東遊海上於臺下縈蒲

繫馬至今蒲生猶有縈繫之狀隋開皇十六年置蒲臺縣屬渤海郡唐屬淄州景龍元年屬棣州周屬濱州皇朝大中祥符三年省入渤海

緊招安縣皇朝慶歷六年析渤海縣地置

下恩州春秋時屬齊其後屬晉戰國屬趙秦屬鉅鹿郡漢置清河郡後漢爲清河國桓帝改曰甘陵魏復故晉因之後魏爲清河郡北齊後周皆因之兼置貝州隋初郡廢後廢州而後復置郡廢爲貝州天寶元年曰清河郡皇朝慶歷八年改恩州今縣三

望清河縣本漢厝縣屬清河郡後漢安帝以孝德皇后葬於厝改曰甘陵爲清河國治焉桓帝時周福其縣人也晉改曰清河縣後曰武成縣置清河郡隋開皇初郡廢改武成縣爲清河大業初復置清河郡唐屬貝州故清陽縣漢爲清河郡治後漢省之徙治甘陵後復置曰清河縣北齊省貝邱入焉改爲貝邱隋開皇六年復名清陽屬清河郡唐屬貝州皇朝熙寧四年省入清河

望武成縣在趙時曰東武城平原君勝封於此邑漢屬

清河郡後漢及晉皆因之隋為武城屬清河郡唐屬貝州

緊歷亭縣漢東陽縣地隋分武城郟置歷亭縣屬清河郡唐屬貝州漳南鎮本漢東陽縣屬清河郡後漢省之隋分棗強清平復置於古東陽城改為漳南縣屬清河郡唐屬貝州皇朝至和元年省入歷亭

清州自唐虞以下地理與滄州同五伐時置乾寧軍後入契丹周顯德六年世宗北伐取乾寧軍御龍舟樓船戰艦首尾數十里至益津關後廢焉皇朝太平興國七

年以滄州永安縣復置大觀二年河清七晝夜因改為清州政和三年為乾寧郡今縣一

乾寧縣本永安縣之范橋鎮皇朝太平興國七年置熙寧六年省為鎮後復置縣崇寧三年又省之

同下州承靜軍自唐虞以下地理與滄德冀州同唐置景州周降為定遠軍屬滄州皇朝太平興國六年以軍直隸京師景德元年改為承靜今縣二

緊東光縣二漢屬渤海郡隋開皇初郡廢九年置觀州大業初州廢屬平原郡唐屬滄州貞元三年屬景州

周顯德元年爲定遠軍治所弓高鎮本漢縣屬河間國後漢因之晉省焉隋開皇十六年復置屬平原郡唐置景州治此周顯德二年州廢省弓高入東光望將陵縣漢重邱縣地隋開皇十六年于重邱故城置屬平原郡唐屬滄州後屬景州周顯德二年州廢還屬皇朝慶歷七年屬永靜軍安陵鎮本漢修市縣地屬渤海郡晉置安陵縣隋大業初省入東光唐武德四年復置屬觀州貞觀十七年州廢屬德州景福二年屬景州周復屬後省入將陵

中阜城縣漢屬渤海郡後漢屬安平國晉屬渤海郡隋

屬信都郡唐屬冀州皇朝淳化元年屬永靜軍

同下州信安軍自唐虞以下地理與霸州同五代時地入契丹周顯德六年世宗北伐取淤口關置寨屬霸州皇朝太平興國六年以淤口寨爲北平軍景德二年改爲信安軍

同下州保定軍自唐虞以下地理與雄州同皇朝太平興國六年以涿州歸信縣新鎮置平戎軍景德元年改爲保定軍

臣謝 塘恭校

輿地廣記卷十一

宋 歐陽 忞 撰

河北西路上

次府真定府春秋時屬鮮虞為晉所滅戰國時屬趙秦屬鉅鹿郡漢高帝置恒山郡後避文帝名改曰常山亦屬真定國東漢屬常山國魏晉復為郡元魏因之後周兼立恒州隋開皇初郡廢大業初州廢復立常山郡唐武德初復曰恒州後升為成德軍節度元和十五年避穆宗諱曰鎮州五代時曰真定府梁以諱改曰武順唐

復曰成德晉曰順德漢復曰成德周及皇朝因之今縣九

次赤真定縣木中山國之東垣邑漢十一年代相陳豨反其將趙利守東垣高帝攻拔之改曰真定元鼎四年立真定國東漢併入常山魏晉爲郡治在今縣南元魏道武移郡治於此今府城是也自唐寶應後叛將李寶臣王武俊王廷奏等相繼據之有滹沱水

次畿橐城縣漢屬真定國北齊立鉅鹿郡後周因之隋開皇初郡廢十年立廉州大業初廢義寧元年復立

鉅鹿郡唐武德元年改曰廉州貞觀元年州廢來屬九門縣二漢屬常山郡魏晉元魏因之北齊省隋開皇六年復置皇朝開寶六年省入

次畿欒城縣春秋晉大夫欒氏之邑漢爲牛棘縣地東漢置欒城縣北齊省隋開皇十六年復置屬欒州大業初州廢屬趙郡唐本屬趙州大歷三年來屬

次畿元氏縣本趙公子元之封邑漢高帝立恒山郡治此故城在焉東漢爲國魏晉元魏屬趙國北齊省隋開皇六年復置唐屬趙州五代時來屬

次畿井陘縣漢屬恒山郡東漢魏晉元魏皆因之後省北齊廢石邑以置井陘隋開皇六年復石邑分置井陘有陘山其道險隘李左車所謂車不得方軌騎不得成列是也有綿蔓水韓信攻趙背水爲陣卽此次畿獲鹿縣漢石邑縣地隋開皇十六年分置鹿泉縣唐天寶十五載更名獲鹿石邑鎮本漢縣皇朝開寶六年省有井陘口亦曰土門秦始皇興兵塞井陘口漢韓信出井陘破陳軍唐李光弼出土門破史思明軍皆在此地有草山滹沱水

次畿平山縣本晉之蒲邑二漢爲蒲吾縣屬常山郡魏晉皆因之後徙焉隋開皇十六年置房山縣唐天寶十五載改爲平山

次畿行唐縣二漢曰南行唐屬常山郡魏晉以後皆因之隋曰行唐屬恒山郡唐屬鎮州五代屬真定府有禹貢恒水

次畿靈壽縣漢屬常山郡魏晉以後皆因之後周立蒲吾郡隋開皇初郡廢唐屬鎮州五代時屬真定府皇朝熙寧八年省元祐二年復置焉有禹貢衛水



望相州商王河亶甲居相此其地也春秋時屬晉戰國時屬魏後屬趙秦屬邯鄲郡二漢爲魏郡曹公爲魏王都此晉亦爲魏郡後趙石季龍前燕慕容儁皆都之後魏置相州東魏北齊又都焉改爲清都尹後周復置相州及魏郡隋初郡廢大業初州廢復置魏郡唐爲相州天寶元年曰鄴郡故屬天雄軍節度梁分置昭德軍而天雄軍亂遂入于晉莊宗滅梁復屬天雄晉高祖置彰德軍今縣四

緊安陽縣漢爲侯國曹魏時併入鄴徐廣晉紀曰石遵自孚城北入斬張豹于安陽後周移鄴縣及相州于安陽故城遂改爲安陽縣魏郡治焉唐爲相州有韓陵山高歡破尔朱兆于此永和鎮本漢內黃縣地隋開皇十四年置長樂縣十八年改曰堯城屬魏郡唐屬相州天祐三年改曰永定皇朝天聖七年改曰永和熙寧六年省入安陽

緊湯陰縣本二漢蕩陰縣屬河內郡晉屬魏郡後廢焉隋開皇六年復置屬汲郡唐屬相州貞觀元年改爲湯陰有羗里城商紂囚周文王之所

緊臨漳縣本漢鄴縣地東漢天平初析置臨漳縣屬魏郡後周及隋因之唐屬相州魏文侯七年始封此地以西門豹爲鄴令民不敢欺至襄王時史起爲鄴令引漳水溉鄴民賴其用漢高十二年置魏郡治此漢末袁紹爲冀州牧鎮鄴曹公取之以爲鄴都作三臺皆因城爲基晉末亂後石季龍慕容儁皆都之後魏置相州東魏北齊又都焉後周平齊復置相州隋文輔政總管尉原過舉兵不順韋孝寬討平之乃焚燒鄴縣徙其居民南遷四十里以安陽城置鄴縣屬魏

郡唐屬相州皇朝熙寧六年省入臨漳

中林慮縣本漢隆慮縣屬河內郡後漢避殤帝名改曰林慮晉屬原郡後魏置林慮郡北齊廢之後復置隋開皇初又廢之大業初屬魏郡唐屬相州

次府中山府堯始封于此春秋時爲鮮虞戰國初爲中山國後爲魏所并後又屬趙秦屬上谷鉅鹿二郡漢高帝置中山郡景帝三年改爲國後漢晉皆因之後燕慕容垂移都于此置中山尹後魏爲中山郡兼置安州唐改爲定州升義武軍節度皇朝太平興國元年改定武

軍政和三年改中山府中山郡今縣七

緊安喜縣古中山國魏文侯使樂羊伐取之以封太子  
擊漢爲盧奴縣城內西北隅有水淵而不流色正黑  
或云黑水曰盧不流曰奴故以取名後魏皇始二年  
滅慕容寶立安州道武帝天興三年改曰定州北齊  
改爲安喜後周置鮮虞郡隋開皇初郡廢置鮮虞縣  
大業初廢安喜入焉屬博陵郡唐屬定州武德四年  
改鮮虞曰安喜改陘邑縣本漢苦陘屬中山國後漢  
章帝改曰漢昌魏改曰魏昌晉元魏因之北齊廢焉  
隋開皇十六年復置曰隋昌屬博陵郡唐武德四年  
改曰唐昌屬定州天寶元年改曰陘邑皇朝康定元  
年省入安喜

緊無極縣二漢爲毋極屬中山國晉省之後魏復置隋  
屬博陵郡唐屬定州武后改毋極爲無極景福二年  
置祁州焉徙治蒲陵皇朝景德元年來屬

上曲陽縣漢爲上曲陽屬常山郡後漢屬中山國晉屬  
常山郡北齊去上字隋開皇六年改爲石邑屬博陵  
郡七年改曰恒陽唐屬定州元和十五年改爲曲陽

有北岳常山在西

中唐縣昔堯爲唐侯國于此春秋時屬北燕昭十二年齊高偃納北燕伯欵于唐是也漢屬中山國後漢及晉皆因之北齊廢焉隋開皇十六年復置屬博陵郡唐屬定州舊治中人城縣西四十里有中人亭左傳昭十三年晉荀吳侵鮮虞及中人大獲而歸是也聖歷元年徙治今所

中望都縣昔堯母慶都所居有堯山在北慶都山在南登堯山見慶都山故以望都名縣漢屬中山國後漢

及晉皆因之北齊省入北平唐武德四年復置屬定州初治安險故城貞觀八年徙治今所

中新樂縣古鮮虞國子姓漢爲新市縣屬中山國後漢及晉皆因之後廢焉隋開皇十六年置曰新樂縣屬博陵郡置屬定州

中下北平縣漢屬中山國後漢及晉皆因之後魏置博平郡北齊郡廢隋屬博陵郡唐屬定州萬歲通天二年契丹攻之不下更名狗忠神龍元年復舊漢曲逆縣濡水于城北曲而西流故曰曲逆左傳哀四年齊

國夏伐晉取曲逆是也漢高帝過之曰壯哉吾行天下惟洛陽與是耳詔封陳平爲曲逆侯屬中山國後漢章帝醜其名改曰蒲陰晉因之北齊廢入甘平

上邢州春秋時爲邢國衛人滅之戰國時屬趙秦屬鉅

鹿邯鄲郡常山王張耳都焉漢屬趙國廣平鉅鹿常山

郡後漢因之晉屬鉅鹿趙國後趙原亦都焉後魏爲鉅

鹿郡隋置邢州後爲襄國郡唐復爲邢州天寶元年屬

鉅鹿郡梁升寶義軍節度後唐改爲安國軍今縣八

上龍國縣故邢國秦時謂之信都項羽立張耳爲常山

王居此更名曰襄國漢屬趙國後漢因之晉省焉石

勒陷皇州張賓曰襄國因山憑險形勝之地可都也

後勒僭號于襄國其後爲慕容氏所滅隋開皇九年

改爲龍岡縣襄國郡焉唐爲邢州卽夷儀地在縣北

一百五十里春秋僖五年邢遷于夷儀卽此

上沙河縣漢襄國縣地隋開皇十六年置沙河縣屬襄

國郡唐武德元年置溫州四年州廢來屬有湯水

上鉅鹿縣本漢南縣屬鉅鹿郡後漢因之晉省焉隋于

南故城置鉅鹿縣屬襄國郡唐武德四年屬趙州貞

觀元年東屬有禹貢大陸澤

上平鄉縣本鉅鹿縣秦始皇二十五年滅趙以爲鉅鹿郡秦將王離圍趙王歇于此漢因之後漢及晉徙治慶陶而鉅鹿屬焉北齊縣廢隋置平鄉縣屬襄國郡唐屬邢州皇朝熙寧六年省入鉅鹿元祐元年復置上內邱縣本中邱縣漢屬常山郡後漢屬趙國晉因之元魏屬南趙郡隋曰內邱屬襄國郡唐武德四年屬趙州五年來屬有干言山詩所謂出宿于干飲饒于言是也

中堯山縣本柏人春秋晉邑也漢屬趙國高帝過趙欲宿心動問縣名何曰柏人上曰柏人者迫于人也去弗宿趙相貫高等果有逆謀後漢及晉皆屬趙國元魏屬南趙郡隋屬襄國郡唐屬邢州天寶元年改爲堯山皇朝熙寧六年省入內邱元祐元年復置

中南和縣地屬廣平國後漢屬鉅鹿郡晉省之後復置後周置南和郡隋開皇初郡廢屬襄國郡唐屬邢州中任縣春秋晉邑也鄭皇原于晉爲任大夫漢屬廣平國後漢屬鉅鹿郡晉省之隋開皇十六年復置屬襄

國郡大業初省入南和唐武德四年復置屬邢州皇朝熙寧三年省入南和元祐元年復置

雄懷州禹貢三懷之地太行山在焉春秋時周襄王以陽樊温原攢茅之國賜晉文公晉于是始啓南陽又云武王克商蘇忿生以爲温司寇其左有隕懷是也戰國時屬衛秦滅衛徙其君于野王後二世廢角爲庶人以其地屬三川郡項羽立司馬邛爲殷王都此漢初爲殷國尋更名河內郡後漢因之晉分屬汲郡後魏置懷州兼置河內郡隋初郡廢而懷州如故煬帝初州廢復置

河內郡唐爲懷州天寶初曰河內郡今縣三

緊河內縣本野王秦始皇徙衛君角于此阻其山而保

漢屬于河內郡後漢因之晉爲郡治後魏兼置懷州

隋開皇十六年改野王爲河內唐爲懷州西北三十

里有邢城故邢國也周武王子所封太行山在西北

武德鎮本秦縣始皇東巡自以武德定天下因以名

縣焉二漢屬河內郡晉爲郡治後置武德郡隋開皇

初郡廢十八年改州縣爲邢立大業初又改曰安昌

屬河內郡唐武德二年復名武德廢懷州皇朝熙寧

六年省入河內漢射大縣故城在北平阜縣故城在  
西

中武陟縣本漢懷縣地隋開皇十六年析置武陟大業  
初省焉唐武德二年置陟州及修武縣四年州廢改  
修武爲武陟屬懷州故懷縣本禹貢覃懷之地後爲  
晉邑春秋時赤狄伐晉圍懷是也二漢爲河內郡晉  
屬河內隋大業初廢之後復置唐貞觀元年省入武  
陟故城在今縣之西

上修武縣本商之寧邑周武王伐紂勤兵于寧更名修

武晉始啟南陽卽此故有南陽城二漢屬河內郡晉  
屬汲郡隋屬河內唐武德四年改修武爲武陟而別  
置修武縣於隋修武故城屬懷州漢山陽縣屬河內  
一郡後漢晉皆因之魏阮籍嵇康等同居山陽時人號  
竹林七賢後縣廢故城在今縣西北有雍城故雍國  
周文王子所封左傳僖二十四年富辰曰郟雍曹滕  
文之昭也有濁鹿城漢獻帝爲山陽公居此

望衛州春秋時分屬于晉衛戰國時屬魏秦屬三川郡  
二漢屬河內郡魏置朝歌郡晉改爲汲郡後魏因之東



魏置義州後周改爲衛州又置修武郡隋初郡廢煬帝  
初州廢復置汲郡唐爲衛州天寶元年曰汲郡今縣四  
中汲縣故商都牧野之邑水經注云太公生於汲城北  
三十里有太公泉泉上有太公廟相傳云太公之故  
居也二漢屬河內郡魏屬朝歌郡晉爲汲郡治焉太  
康初縣人有發魏安釐王家大得古書皆簡編科斗  
文字所謂汲冢書也北齊置五城卽後周廢爲五城  
縣隋開皇六年復改爲汲屬汲郡唐屬衛州

上獲嘉縣本漢汲縣地武帝時南越相呂嘉反發兵討

之元鼎六年行幸至汲新中鄉得呂嘉首因以爲獲  
嘉縣屬河內郡後漢因之晉屬汲郡後周置修武郡  
隋開皇初郡廢十六年置殷州大業初州廢屬河內  
郡唐屬衛州

緊新鄉縣隋開皇初析汲獲嘉二縣于古新樂城置屬  
河內郡唐屬衛州皇朝熙寧六年省入汲元祐三年  
復置東北有故臨清關東南有故延津關

中共城縣故共國左傳隱元年鄭太叔出奔共是也二  
漢屬河內郡晉屬汲郡北有共山隱者孫登所處北

齊縣廢隋開皇六年復置曰故城屬河內郡

望洛州春秋時為赤狄所有後屬晉戰國時屬趙秦屬

邯鄲郡漢置廣平國後漢國廢為鉅鹿郡之西原魏置

廣平郡晉及後魏皆因之俊周置洛州隋人業初置武

安縣後為洛州天寶元年曰廣平郡今縣五

上承年縣今曲梁左傳宣十五年晉荀林父敗赤狄于

山梁是也漢屬廣平國後漢屬魏郡魏晉屬廣平郡

地齊省曲梁入原廣平縣廣平漢為國治自魏至隋

皆為郡隋仁壽元年避太子名改廣平曰承年為武

安郡治唐為洛州漢廣平縣故城今在縣北臨洛鎮

本漢易陽縣屬趙國後漢因之晉屬廣平郡東魏屬

魏郡隋開皇六年改易陽曰邯鄲十年改邯鄲為臨

洛屬武安郡唐屬洛州皇朝熙寧六年省入承年

望肥鄉縣漢為邯溝縣地屬魏郡曹魏置肥鄉縣屬廣

平郡晉因之東魏省焉隋開皇十六年復置屬武安

郡唐屬洛州漢列入縣屬廣平國後漢屬鉅鹿郡晉

屬廣平郡故城在今縣東北

繁平恩縣本漢館陶之別鄉元帝分置立恩以封石父

許伯為侯國屬魏郡後漢因之晉及元魏屬廣平郡  
隋屬武安郡唐屬洛州

中雞澤縣春秋襄三年公會諸侯同盟于雞澤漢為曲  
梁縣地隋開皇初置雞澤縣屬洛州大業初省入永  
年唐武德四年復置杜預注左傳云雞澤在曲梁西  
南曲梁今永年也此縣在永年東北疑非古雞澤地  
矣

上曲周縣漢武帝建元四年置屬廣平國東漢屬鉅鹿  
郡晉省之唐武德四年復置屬洛州皇朝熙寧三年

省入雞澤元祐四年復置洛水鎮本漢斥漳縣屬廣  
平國後漢屬鉅鹿郡魏晉屬廣平郡北齊省入平恩  
隋復置改曰洛水屬武安郡唐屬洛州會昌三年入  
曲周

望深州春秋時屬晉戰國時屬魏秦屬鉅鹿郡漢屬信  
都國後漢屬安平國魏晉為博陵國後魏北齊後周為  
博陵郡隋開皇初郡廢十六年置深州大業初廢屬博  
陵郡唐武德四年置深州貞觀十七年州廢先天二年  
復置天寶元年曰饒陽郡今縣五

望靜安縣本下博漢屬信都國後漢屬安平國光武避  
王郎自龍陽南出至下博城西惶惑不知所之有白  
衣父老在道旁指曰努力信都為長安守去此八十  
里光武即馳赴之晉亦屬安平國隋屬信都唐初屬  
冀州後來屬後周為州治焉皇朝太平興國八年置  
靜安軍雍熙二年軍廢還屬三年縣省四年復置改  
為靜安故陸澤縣本鄆漢屬鉅鹿郡後漢作鄆晉屬  
趙國唐先天二年析饒陽鹿城於故鄆城置陸澤縣  
為深州治所後周徙治靜安皇朝雍熙四年省入焉

有禹貢大陸澤

望東鹿縣本漢鄆縣地屬鉅鹿郡北齊改郡曰安國隋  
開皇六年改曰安定十八年改曰鹿城屬信都郡唐  
屬深州天寶十五載改曰東鹿五代時屬真定國皇  
朝淳化元年來屬漢貫縣故城在西南

望安平縣漢屬涿郡後漢屬安平國魏晉為博陵國治  
焉北齊置博陵郡隋開皇初郡廢十六年置深州大  
業初州廢屬博陵郡唐武德四年屬深州貞觀十七  
年還故屬先天二年來屬

望饒陽縣漢屬涿郡後漢屬安平國魏晉屬博陵國後魏屬博陵郡隋開皇中分置安平蕪萋二縣大業初省入焉屬河間郡唐武德四年置深州治此貞觀十七年州廢屬瀛州先天二年置州後復來屬而州徙治陸澤焉東北有蕪萋亭漢光武避王郎于此

望武彊縣本武隧秦破趙軍扈輒于武隧卽此漢屬河間國後漢屬安平國晉因之後分置武彊縣元魏屬武邑郡隋開皇初郡廢省武遂入焉屬信都郡唐初屬冀州貞觀元年屬深州十七年屬冀州先天二年復來屬開元二年屬冀州永泰元年又來屬唐末屬冀州五代時又來屬

臣謝 墉恭校

